

## ATTITOS A SU SUO CARU BERTEDDU

Mortu amore Berteddu  
su luchidore isteddu,  
mortu Berteddu, amore  
s'isteddu luchidore.

Su 'izu meu, su 'izu meu.

Bertinu caru 'izu  
de zardinu su lizu,  
'izu meu Bertinu,  
su lizu de zardinu.

Su 'izu meu, su 'izu meu.

Bertu, frore galanu  
lavru sanu d'onore,  
Bertu galanu frore  
lavru sanu d'onore.

Su 'izu meu, su 'izu meu.

Bertinu pretziosu  
de su sinu lattosu,  
preziosu Bertinu,  
lattosu 'e su sinu.

Su 'izu meu, su 'izu meu.

Bertu, bellu pitzinnu  
de pinzellu carinnu,  
Bertu, pitzinnu bellu  
carinnu 'e su pinzellu.

Su 'izu meu, su 'izu meu.

Bertu meu umbrilosu  
ses recreu e ses gosu,  
Bertu, umbrilosu meu  
ses gosu ses recreu.

Su 'izu meu, su 'izu meu.

Bertu, cravellu meu  
su prus bellu 'e s'ereu,  
Bertu, meu cravellu  
de s'ereu prus bellu.

Su 'izu meu, su 'izu meu.

Bertu, gruche e Rettore,  
in chuches picadore,  
Bertu Retore e gruche  
picadore est incue.

Su 'izu meu, su 'izu meu.

Bertu, su prantu 'e domo  
c'at campusantu como,  
Bertu, su 'e domo prantu  
como a su campusantu.

Su 'izu meu, su 'izu meu.

Bertu, firmu est s'azudu  
in s'urtimu saludu,  
Bertu, s'azudu est firmu  
in su saludu urtиму.

Su 'izu meu, su 'izu meu.

## "ATTITOS" PER IL CARO BERTO

*Morto il mio amore Berto / il mio lucente astro, / è morto Berto, mio amore / mio astro lucente. / Figlio mio, figlio mio.*

*Berto mio amato figlio / del mio giardino giglio, / figlio amato Bertino, / il giglio del giardino. / Figlio mio, figlio mio.*

*Berto, fiore leggiadro / lauro sano d'onore, / Berto, leggiadro fiore / lauro sano d'onore. / Figlio mio, figlio mio.*

*Bertino, prezioso / del seno di latte, / prezioso Bertino, / dal latte del seno. / Figlio mio, figlio mio.*

*Berto mio bel bambino / del pennello carezza, / Berto, bambino bello / carezza del pennello. / Figlio mio, figlio mio.*

*Berto, mio ombroso / sei piacere e gaudio, / Berto, ombroso mio / sei diletto e piacere. / Figlio mio, figlio mio.*

*Berto garofano mio / il più bello della stirpe, / Berto, mio garofano / della stirpe il più bello. / Figlio mio, figlio mio.*

*Berto croce e Parroco, / qui son per portarti via, / Berto, il Parroco e la croce / per portarti via son qui. / Figlio mio, figlio mio.*

*Berto, il pianto di casa / si trasferisce in cimitero, / Berto, di casa il pianto / si trasferisce in cimitero. / Figlio mio, figlio mio.*

*Berto fermo è il mio aiuto / con l'ultimo saluto, / Berto, l'aiuto è fermo / con l'ultimo saluto. / Figlio mio, figlio mio.*